

03/09/2003

Go Lightly tingkat kelainan pemakai

Nor Afzan Mohamad Yusof

JENAMA tidak asing dalam dunia kecantikan yang sering menjadi pilihan jurusolek dan artis tanah air, MAC, membuka cawangan butik barunya di pusat beli-belah Mid Valley, Megamall, Kuala Lumpur, baru-baru ini.

Sempena perasmian itu, tetamu menyaksikan tunjuk cara solekan terbaru daripada jenama itu yang berkonsepkan terang, berkilau dan berani termasuk penggunaan serbuk kilau - Go Lightly.

Solekan yang dijangka menjadi pilihan dalam gaya terkini itu banyak memberikan sentuhan solekan bahagian mata dan pipi yang banyak mengadun warna emas, perak serta gangsa ala alaf baru.

Penggunaan serbuk kilau yang makin digemari kini khususnya untuk solekan malam hanya perlu disapu sedikit pada kelopak mata, dahi atau sedikit di bahagian tubuh bagi menampakkan sedikit kelainan dalam penampilan.

Sempena perasmian itu, Tabung Aids Mac turut menyampaikan sumbangan RM30,000 kepada Datin Paduka Marina Mahathir, untuk disumbangkan pada Majlis Aids Malaysia.